

TRIBUNA A CAY CU FANATICONAN DEN RCA

ORANJESTAD(AAN)— Algun minuut prome cu e eleccion di Reina di Carnaval di Aruba a termina, un di e tribunanan halto cu tabata tin den RCA a basha bin abao cu e fanaticonan cu tabata expresa nan alegria door di bula y baila ariba e tribuna.

Suerte tabata cu ningun persona no a ser herida,

esta cu na e momento ey ningun persona a laga sa cu nan a ser herida.

Segun DIARIO tin entendi, algun instrumento musical cu tabata bao di e tribuna si a haya daño.

A ser considera masha irresponsbel, e hecho cu ningun momento a duna aviso na e hendenan cu e tribunanan ta debil y cu no mester bula y baila

ariba nan.

E anochi anterior cu ta-

bata tin e Caribbean festival si esaki a ser haci,

pero e anochi di eleccion no tabata e caso.

LOS LAGA BAY DEN PARADANAN

ORANJESTAD(AAN)— Segun un anuncio di Los Laga Bay tur cos ta cla pa e paradanan di fin di siman.

number 21 y ora di salida di e parada ta 11 or loke ta significa cu participantenan mester ta presente pa 12.30 or.

Na San Nicolas e grupo tin number 3 y mientras e parada ta sali pa 2 or di merdia, participantenan ta ser spera pa 1.30 or.

Na Playa e grupo tin

Mas detayes lo ta colga na e bar float.

E organizadornan a desea tur participante hopi gozo y alegria.

MESTER TENE CUENTA CU BENDEDORNAN Ariba CAYA

ORANJESTAD(AAN)— E weekend aki mester tene cuenta cu personanan cu ta cana rond bende cierto pasabocanan durante parada di carnaval.

Siman pasa tabata tin hopi keho ariba benedornan di "roti", refresco y cerveza, y tambe di otro pasabocanan.

Na cierto lugarnan refresco tabata ser bendi na

un florin pa cup, locual ta un abuso carnavalesco.

Cervez tabata ser bendi na un di e standnan na prijs exagera di 2, 50 pa botter of bleki, locual tambe a ser considera un abuso, mientras cu tabata tin benedornan di rottie cu tabata bende esaki na prijs exagera di 5,50 y 6 florin, y cu casi nada di carni den nan tampoco.

Kehonan ariba esakinan tabata tin bastante e aña aki atrobe, y ta ser pidi na controladornan di gobierno pa tira un bista na lugarnan cu tin permiso pa bende durante parada di carnaval y ariba esnan cu ta cana bende e articulonnan aki, ya cu ta ser abusa masha hopi cu e prijsnan pasobra ta un evento publico den cual nan ta mira cu por gana placa bruto.

Tabata tin hende cu ta cana rond cu nan panbollo, bolo y pastechi, pero di esakinan sinembargo ningun keho a drenta tampoco, di manera cu aparentemente nan a tene nan mas prijsnan y na stipulacionnan di departamento di Salubridad Publico.

ACCION ISRAELI NA LIBANO A LAGA UN MORTO

SIDON—Durante un accion di ejercito Israeli den e pueblo Moslim Borj Rahal, den e parti Sur di Libanon, Diahuebs un herido y un morto a keda registra.

Esaki a ser participa pa un funcionario di Nacionnan Uni.

Un unidad Israeli consistiendo di 21 vehiculo arma y tanks a drenta e pueblo pa pone tur homber hunto.

Despues nan a basha tres cas abao y a interroga mas di 150 persona den schoolnan.

INVITACION

Cont. di pag. 11

loke el a haci e aña aki y pa suerte den temporada di carnaval.

Señora Hood tin un experiencia amplio den loke ta trata certamen di beyeza, pasobra pa 26 aña e tabata contribui na e certamen di Miss America y for di aña 1971 te cu 1975 e tabata envolvi den Miss Alaska Pageant.

El a duna di conoce cu e intercambio lo tin gran significacion pa Aruba y lo representa un promocion impagable.

E encuentro ayera a tuma lugar den compania di señor Antonio Leo di oficina di Turismo. tereno cultural. Sra.

TIPS PA TENE CUENTA CU NAN DURANTE TEMPORADA DI CARNAVAL

- 1...Ora sali di cas, no laga articulonan cu ta facil pa move atras den cas, por ehemplo joyas, y principalmente placa. Un kluis na bo banco por ta un solucion.
- 2...Esnan cu no ta bay wak parada di carnaval, paga extra tino ariba ocurencianan den bo bario. Bon nota mester wordo tuma di hendenan cu presenta den vecindario, particularmente di autonan cu ta trafica den e bario lo mester nota, si ta posibel, number, marco, color, y particularmente e ora. Mas tanto posibel tambe di e pasaheronan. Principalmente di vannan cera, pickupnan halto, na unda cosnan horta por wordo scondi.
- ...Corda cera bo cas bon. Si ta posibel laga e cas muestra manera cu por tin hende na cas. Cortinanan habri, pero sin nada atractivo pa ladron su bista. Por ehemplo, camera, etc.
- ..Bin back, si ta posibel, bin controla bo cas durante dia.
- ..Forma un equipo di vigilancia door di hendenan cu no ta bay wak carnaval.
- ..Laga bo cacho los den cura of den cas.
- ..Si bo ta bay keda afo di cas te desies cu solo baha, bin back y sende algun luz paden, pero specialmente pafo di bo cas. Luz ta e mayor enemigo di ladron anochi.
- ..Corda cera bo auto na yabi y no laga nada di balor aden, manera por ehemplo, placa, camera, bril, bril di solo, radio etc.
- ..Haci cierto afspraaknan cu bo bisiñanan encuan-to proteccion contra ladron. Un bon bisiña ta di hopi balor.
- 1..Momento cu bo ta para wak carnaval, hinca bo cartera den bo saco di dilanti. Pone tino pa "Pickpockets". Lo tin sigur durante dia di carnaval y durante actividadnan publico.



ANUNCIO

Bestuurscollege di territorio Insular di Aruba ta participa na organisacion, - institucion, - bondnan y personanan cual o quendenan a organisa eventonan especial (p.e. eleccion di Miss, festival, encuentronan deportivo) o cu tin intencion pa organisa esaki y pa cual eventonan a ser duna un subsidio pa un biaha o pa cual tin pensa pa pidi esaki, cu di awor en adelante no por conta mas ariba yudanza di parti di territorio insular den e gastonan pa e eventonan special.

ARUBA DECENTE • KEDA DECENTE